

# *PEU HAINA KUBA NI*

## *SANDA HAMOHO NI SIKAPI*

 Ni itumezi hahulu, Muzwale Demos. Mi cwale lu tabile fakuba mo kakusasana cwana, ni kuutwa bupaki bobunde boo kuzwa kwa sicaba sesinde see, mi cwale lu sepa kuli Mulimu uka zwelapili kuba ni luna ni ku lu fuyola.

<sup>2</sup> Cwale, busihu boo, Ni utwisia kuli Ni lukela kukutaza busihu boo, haiba Mulena alata. Mi Ni buzize Muzwale Shakarian, mizuzu nyana yefitile, Na li, “Cwale, musike mwa ikutwa kuswaba. Ni ziba kuli lu swanela kuzwa mo ka lebene kiloko mi Ni—Ni latehelwanga fela ki maikuto a nako ha Ni se nifitile kulo faa.”

<sup>3</sup> Ku bonahala inge kuli buñata bwaluna lueza cwalo. Ku ikutwa... Ha bali, “Mizuzu yemibeli, mizuzu yemilalu, kamba...” Muzwale Smith, wa ziba, kuli kutata kueza cwalo mwa mizuzu yemibeli kamba yemilalu. Mi Ni ziba mo liinezi, mi Ni utwa makeke ku mañi ni mani. Kono lu mwa lusika lwa nako, mo lu inzi cwale. Lu libile kwa Kuyakuile, kono haili ka cwale lu sa li mwa nako.

<sup>4</sup> Mi Na li, “Muzwale Demos, fa nako nyana fela, usike wa ikutwa kuswaba, u ni hohe fela kwa koti mi Ni ka ziba kuli seli nako ya kutuhela.” Cwale, ha Ni sa fezi, Ni ka feza busihu bwa kacenu. Kacwalo haiba Ni eza, kihande, Nina ni palo yenca ya busihu boo.

<sup>5</sup> Cwale lu si ka apula fela Buka, ha lu amboleñi ku Muñoli wayona, ni litoho zaluna zeinami.

<sup>6</sup> Ndate Yomunde yakwa Lihalimu, lu itumela ku Wena kakusasana cwana ka kukopana kwa, ku se lu utwile kale. Haiba lu ka fa fela mbuyoti cwale, Mulena, lu ikutwa kuli nekubile hande kuba moo. Kacwalo Ni lapela kuli U zwelepili, haiba iba nto yende mwa meto a Hao, ni kuzwelapili kuba ni luna ni ku lutusa. Mi cwale lu kopanela fa kupotoloha Linzwi. Sina ha lu kopani mwa kutwani ya mutu ni mutu, ku utwa bupaki bwa so Lu ezelize, cwale ha lu kuteleñi mwa Linzwi ni kufumana ko ku zwelela lika ze kaufela. Mi, yeo ikaba tiisezo ya se luutwa ni kubona, se si ezahala kacenu. Lumeleza lika ze ka Libizo la Jesu Kreste. Amen.

<sup>7</sup> Cwale, kakuba—kakuba mutanga Hae, Ni—Ni na ni musebezi kwa Liñusa. Mi Na linako zeñata ha ba ni utwisisangi, mwa linako za kwa mulaho, mi mwendi ku kana kubanga cwalo kamita. Kono ha Ni bulelangi lika fokuñwi kuli ni be—ni be ya shutani, Ni bulelanga cwalo kuli ni be ya sepahala. Mi Ni tabelaa

kubulelanga se Ni nahana kuli si lukile. Mutu kaufela una ni—ni tukelo kwa lika zeo, kuli abulele maikuto a hae. Kona ha Ni li mwahala mina.

<sup>8</sup> Mi Muzwale Shakarian, ka kubulela za makadi a litapelo mwa mukoloko wa litapelo, ka kubona seo Moya o Kenile... Cwale, na si ka bulela zeo ka na. Sani ki ka Moya o Kenile, kakuli Hani koni kueza lika zeo. Mutu kaufela wa ziba, kuli Hanikoni kueza cwalo. Kono—kono seo ki siemba se sinyinani, se mubonanga mo. Mu lukela kufumaneha kwande kwa libaka zeñwi, kuli muponele Mwa bulelanga lika ze sa taha! Mi Na... lika ze ka ezahala, ki, ze ki... mina, ki mina babaeza zeo. Ki mina baba lumela ku Mulimu.

<sup>9</sup> Mi—mi haiba ha mu lumeli ku Mulimu, muhupule, U ka mi bulelela cwalo, ona fa kata la faa. Mi haiba u mwa sibi, U ka ku bulelela cwalo. Ni lika zo ezize, ni zo no lukela kueza, Wa ku bulelela zona. Ha ki zona fela ze ba ñolanga fa kadi ya tapelo. Bakona kubeya fa kadi yabona ya tapelo...Habakoni kubulela, ku yona, kuli ki “baezalibi,” mi musali yo na “pila ni muuna usili,” kamba ze cwalo. Mi habakoni kuñiola zeo fa kadi ya tapelo, kono Moya o Kenile uka si nopa ni seo nihakuli cwalo mwabona. Mwabona? Mi kacwalo kona cwalo (kuli) za—za kalulo ya buipiteli, balikani.

<sup>10</sup> Mi Ni bulela cwalo ka likute. Kakuli, hakuna babañata hahulu mo kakusasana cwana, ki sikuwata nyana fela. Za ni komokisa, kufitela si ni kakamalisa, Ni ikutwanga fela inge ni ka huwa linako zeñwi. Mi ha Ni ina fasasi fa sibaka, kwa neku la malundu, ko Ni banga linako zeñata kwani, inge ni amuhela kuzwa ku Mulimu, na shetumuka ni kufa kwa sicaba sa Na ni file. Mi Na—Na hani zibangi shutano mwahala sicaba. Kono ibo, kuba ya sepahala, Ni lukela kuba ya sepahala ni Mulimu, mwabona, kwa—kwa Liñusa.

<sup>11</sup> Mi cwale ki luna bao, Mulena ha lata, lu libelela kufunduka kuya kwahule mwa musipili wa kwabuse bwa mawate, mwa mazazi fela alikan, mi haiba yeo iba tato ya Mulena. Na luli ni lakaza litapelo zamina.

<sup>12</sup> Mu babande luli! Ha ni kala kubulela, Ni libalanga fela za nako, inge babañwi ba luna. Kono ku Muzwale Shakarian, bakutazi babande ba kwanu kwa kata la, bateni kwande koo, mina balikani kaufela ku Jesu Kreste, Na mi lumelisa ka Libizo la Hae; sina mu—mu mulikani mwa lubasi ni mina, ka sifapano, ku Mulimu, kakuba mizwale ni likaizeli.

<sup>13</sup> Ni bata kuapula, kakusasana cwana, mwa Mañolo, mwani mwa Buka ya Magalata, haiba Mulena alata. Ni tabelia kubala Liñolo.

<sup>14</sup> Cwale, maabani busihu, ka kuutwa liñusa lene li kutazwa ki muzwale waluna yana shaela kwa kata la, na bulela mwa malimi. Bredesen, Muzwale Bredesen, muuna yomunde hakalo. Na...

<sup>15</sup> Ka kubona zeo ni ku za ituta kwaka, ku sa utwisia manzwi kwaka, mi hape ni kuziba Liñusa kuba la niti, ni kubona baana ba bacwalo inge bainzi kwa pili busihu bobuñwi, inge ni yemi fani, mi zani luli zakona kukwana mwa mukwa wa kuituta kokucwalo. Hakulata habakoni kueza seo ani bizeлизе Mulena kuli baeze. Nina hanikoni kueza seo Mulena aba bizeлизе kueza. Kono luna ka kubelekisana hamoho, Ni ziba hande kuli lwakona ku utwahalisa Liñusa, haiba lukona fela kuina fapila Mulimu.

<sup>16</sup> Mi ha na file bu—bu bupaki kwanu maabani busihu. Mi ni Moya o Kenile wa bulela malimi, mi, yomuñwi mwahala sicaba, Na zibanga kamita kuli uka kutela seo. Kakuli, Na utwisia, ka Bibele, wani ki Moya, wa Mulimu o tisa sika ku luna. Mi ki hali, abulela ka za pula ya maseulo, ni pula ya mwa mulaho. Mi seo si ni tisa fa munahano omuñwi.

<sup>17</sup> Kuli Muzwale Bonham uni file fela kaputumende ni mañolo mwateni, ali, “Ye ki nubu ya lilato ya ba...izwa kwa sicaba.” Cwale, yena—yena, ne ba sa lukeli kueza cwalo. Mwabona, Na ha ni si ka tela kwanu ka mulelo woo. Kono Na...yena, ne ba ni file yona, mi, eni sha, ku kaba... hakuna mukwa wa kulikutisa kubona. Mi Nika i amuhela, haiba Mulena alata, ni kulika ku ibeya fa litifo zaka, haninze niya kwabuse bwa mawate. Kakuli, Ha ni fiwangi masheleñi, hakuna mukwa, ko Ni ya.

<sup>18</sup> Ki kunutu cwalo, kakuli likeleke halikoni ku ni lumeleza kukena. Mi Ni ya teñi sina muzumi, kakuli ki za Mulena ka. Mulena u si beile mwa pilu yaka kuli ni si eze, mi Ni lukela kukena ka mukwa wa kuipata cwalo. Mwabona? Kona kuli bana ni milelo yeshutana kwani, kuli mañi ni mañi ubata kuli nyatele kadi, kuli Ni lumelane ni yena ku ze ba lumela, ni kubulela kuli sikwata *sesiñwi* se si fosahalile, mi sikwata *se* sili ba ka ni tisa kubona haiba Ni ka bulela kuli sikwata *sesiñwi* se si fosahalile. Mwabona? Kono ha Ni latani cwalo. Mwabona, luna lu...

<sup>19</sup> Ni likile kamita kuyema mwahala sicaba, kwande a tutengo ni kushutana kwa bona, ni kubiza ze ne bonahala inge Moya wa Mulimu ono bulela mwa mizwale mo kakusasana cwana, kuli ha lu kopano. Lu bana ba lubasi. Cwale, hakuna katengo ka ba ha Branham. Kuna ni lubasi lwa ba ha Branham, mi kaufela ha lu ikopanyi mwa lubasi lwani, lu pepilwe mwateni. Mi kacwalo, Na, seo kona se Ni lika kuyemela, ka—ka bunde mo Ni zibela.

<sup>20</sup> Cwale mwa Magalata 4:27-31, Ni lumela kuli Ni iñozí fa, Ni ka tabela kuibala kuba palo.

*Kakuli ku ñozwi kuli, Uwabelwe, wena mumba ya sa pepi; ululueze u huwe, wena ya si ka ziba lupepo: kakuli bana ba ya... tuhezwi ba ka fita kwa buñata bana ba ya myezwi.*

*Cwale luna, banabahesu, sina Isaka mwa na bezi, lu bana kuya ka sepiso.*

*Kono sina nako yani yena ya pepilwe ka nama a nyandisa ya pepilwe ka Moya, kusali cwalo ni ka nako ye.*

*Kono liñolo li liñi? Li li lelekisa muzike ni mwana hae: kakuli mwan'a muzike h'a na ku ca sanda hamoho ni mwana wa ya lukuluuhile.*

*Ki fohe, banabahesu, ha lu bana ba muzike, kono lu bana ba ya lukuluuhile.*

Mi Mulena ha ekeze limbuyoti za Hae cwale kwa Linzwi la Hae lelinde.

<sup>21</sup> Ni na ni zelikani, maabani busihu zene ni ñozi za litaba zelikani; mi nekubanga kuli, ha Ni nibanga fela ni mukopano ulimuñwi mwa sunda, kokuñwi, Ne—Ne ni hupulanga Mañolo ao kaswanelo fela mwa toho yaka. Kono cwale kasamulaho Na... Cwale, sina Ha ni bulelanga ka nzila ya lisheha, Ha ni talusi kuba wa lisheha kwanu kwa katala. Kasamulaho wa kufitelela myaha ye twenti-faifi, ka nako yabubeli, Ha ni sa hupula mo ne Ni hupulelanga. Kuna ni zeñata za... Kuna limaili zeñata fa ford ya kale ye, mi kacwalo Ha ni sa li hupula. Kono haibile fela Ni kona ku zamaya, Ni bata kufa muzamao kaufela kwa kanya ya Hae Yena ya ni pilisize.

<sup>22</sup> Cwale Na, kakubona cwana kakusasana wo, ne ni talima... Mwendi se sibonahala bunca, mi mwendi kwa ngana ya butu fela ikona kulyanganisa cwalo, kono ki ze zamaelela hande ni ze Ni bizelizwe. Neba nto yenyinyani kaufela ki sisupo kuna. Na Si bata, kubona mo Si zamaela. Kona mo Ni ngelanga liñusa laka cwalo fokuñwi, ki kutilima ni kubona Moya mo u zamaela, ni kubona sa bulela *yo fa*, ni sa bulela *yani fani*.

<sup>23</sup> Mi mu ni lemuuhile, linako zeñata, kusikaba kale sebelezo ya foliso, ne ni yemi fani fa katala, kamba kuina kwa mulaho, inge ni talimezi. Ni ikutwa Moya, nzila mo U zamaela, mi kale kale wa ziba butata bobuli ku mutu yainzi fani yani. Mwabona? Ku ubona fabuse, fabuse *fa*, mwabona, mu ka U lemuha musika ya kale fa katala.

<sup>24</sup> Linako zeñwi Ni si ka taha kale mwa mukopano, linako zeñwi, mane ni si ka taha kale kwanu kwa California, Ni inzifafasi ni babali nina, babali, “Kuna ni nto ye ka ezahala, se si ka ezahalela fa, mi se si ka ezahalela fa, si ka ya ka nzila *ye*,” mwabona, kakuli si mwa Moya wa Mulimu. Yena una ni... U ziba linto kamukana kuzwa kwa makalelo, mwabona, mi kacwalo Ki wa Kuyakuile Yena.

<sup>25</sup> Mi cwale mulemuhe, kakusasana cwana, Muzwale Jewel Rose, mulikani yomunde luli ni muzwale ku luna kaufela, mwa na nanuhezi ni kubala Lisamu lani. Mutualime sani mo ne si swalisanzei hamoho, sina mwa bulelezi kuli, “Ni bata kubona mufuta wa peu yofumaneha ni yona.” Maabani busihu, Moya wa bulela mi wali, mi neli, “Kaza pula ya maungulo, ya maseulo ni

ya maungulo, bubeli bwa yona inela mwa mazazi a mafelelezo.” Mi kakusasana cwana, “Peu ye li ku wena.” Mwabona, ki Moya o bulela, mutualime mo U ezelize mwa bakutazi ba, ni zeñwi cwalo, kakusasana cwana. Kacwalo he Ni nga tuto ye: *Peu Haina Kuba Ni Sanda Hamoho Ni Sikapi*.

<sup>26</sup> Yeo ki palo yenca, kono, *Peu Haina Kuba Ni Sanda Hamoho Ni Sikapi*. Mi kuzwa kwa kunga, litaba ze swanisizwe za se, kamba zeni ñozi, nitaluse, kuzwa mwa Magalata 4:27, sili, Paulusi fa enisha ubulela za peu ya nama ya Abrahama bana bababeli ba bashimani. Cwale, se, Ni bata kuitusisa se kuli mubone hande kuli hamuna ku si mbwinja. Mi haiba Ni fitelela hahulu nako, Ni ka si nopa hape busihu. Mi Ni bata kuluta, inge fela tuto fela ya sikolo sa la Sunda, kuli mu ka kona, Na lumela, mukaba ni kutwisiso yende.

<sup>27</sup> Mi Na...Ni babañwi ba mina baana babali ni—ni mata luli akueza se kufita Na, kupalañi...Na ha ni muituti wa za bulapeli, neba hanyinyani. Mi kacwalo haiba mu palelwa kulumeliana ni na ka Se, ni ikutwa fela inge mo ne Ni ikutwela maabani busihu kezeli yomuñwi mo ha ba ni beselize nama ye lambilwe mbilimbili. Ne niizi kwa—kwa...mwa muzuzu wa hotela yaka kakusasana cwana, Na—Na luma munjeke, kono Ni sa icela nama yaka. Na beya fela munjeke kватуко, mwa bona. Kacwalo, zeo kikuli, se mu sa lumeli ka Zona, mu li beye fela kватуко, mwabona, mi muzwelepili fela kuca ze mubona kuli li lukile.

<sup>28</sup> Cwale, Paulusi ubulela ka bana bababeli ba Abrahama, bao, alimuñwi neli ka Sarah mi yomuñwi neli ka Hagare. Cwale lu fumana fa, mi lu utwisisa kuli kuya ka Mañolo, kuli Mulimu hakuna fa yemelwa ki lika zepeli. Ki ku zetalu. Kamita ki ku zetalu, Mulimu kona mwa petahalela.

<sup>29</sup> Lipalo za Bibele lizamaya ka kupetahala. Mulimu u petahala ku zetalu, u lapelwa ku ze sebene, ni zeñwi cwalo. Mwabona, kacwalo lu—lu fumana kuli lipalo za Bibele ha li palelwi.

<sup>30</sup> Mi lu na ni fa bashimani bababeli ba Abrahama, mi kanti lukona fela kuba ni sanda hamho haiba lu ba siemba sa bona bana bani, kamba mwana yomuñwi wa Abrahama. “Kakuli luna ha lu shwile ku Kreste, kipeto luba bana ba Abrahama, mi luna ni sanda hamoho ni Yena kuya ka sepiso,” kabakaleo Abrahama u swanelia kuba ni Mwana yomuñwi.

<sup>31</sup> Cwale, lu ziba kuli mwana hae wa pili neli ka Hagare, mi lufumana kuli peu ya hae ya bubeli mwana yani neli ka—ka Sarah. Kono nana ni Mwana wa mushumaní wa bulalu, yanali Jesu. Cwale, seo sikona kubonahala bunca, kono kona se lu ka lika kualunguta hande kushetumuna. Sina ha Ni bulezi, Mulimu wa icemela Iliyena, kamita mwa bupetehi, bwa zetalu. Mi Ni tatuluzi hande fapila mina kaufela cwale, mi sihulu kwa

baluti-... baituti baza bulapeli, kuli lika ze linzi ka mo Ni li bonela Kihona, ka mo Li tahelanga ku na.

<sup>32</sup> Sina kwa simuluhu, Mulimu, Mulimu napila anosi, kakuli Na li wa Kuyakuile Yena, mwabona, mane na si Mulimu. *Mulimu* ki “siswaniso se si lapelwa.” Mi haili Logos, ka mo lu I bizeza, ki Linzwi lene lizwile ku Mulimu, Zeo, mañi ni mañi wa ziba kuli Lani neli Lingeloi la Mulena, kamba Linzwi la Mulena, lene li latelela Maisilaele mwa lihalaupa kaufela; Lingeloi la Bulikani, lona lumonyi Logos lo ne luzwile ku Mulimu. Mi cwale Logos yeo ya ezwa nama ni ku to pila mwahala luna. Cwale lu mwa Muhalalehi Joani 1, “Kwa simuluhu ne ku na ni Linzwi, mi Linzwi nali ku Mulimu, mi Linzwi na li ku Mulimu.” Mi cwale, sina ha Na file bupilo bwa Hae ku luna, konakuli Moya wa Hae ukutela ku luna. Jesu naize, “Ka lizazi leo mu ka ziba kuli Ni inzi ku Ndate, mi Ndate u ku Na; Na ku mina, ni mina ku Na.”

<sup>33</sup> Mwabona, Ki Mulimu, mwa litaba kaufela, Mulimu yanxa iponahalisa Iliyena, unza beleka Iliyena mwa masika a shutani. Kacwalo zetalu zeo, za, Ndate, Mwana, ni Moya o Kenile, ki Mulimu yaswana ya beleka mwa likalulo zetalu. Mi luna kacenu lunto iliñwi, ki Keleke Kasibili, maikuto a minahano ya Mulimu kusikaba kale mutomo wa lifasi, kuba ni—ni Keleke. Kacwalo bani babali ku Kreste nebali ku Kreste kwa simuluhu, bao neli mihipupo ya Hae, mi mihipupo ya Hae kona milelo ya Hae.

<sup>34</sup> Fa peu ya kalisa, mwa sepiso. Mi Abrahama fa akakanya hanyinyani, ka Ishimaele. Mi Ni bata ku mibonisa likalulo zetalu za litaba ze, za Peu ye luka ambola ka yona yee, ye sina sanda hamoho ni sikapi. Cwale lu fumana kuli, kwa simuluhu kwa, kuli Mulimu nafile Abrahama sepiso.

<sup>35</sup> Na file Adama sepiso, pili. Mi yani neli, kamba, bulikani nebuna ni milao. “Haiba u sa ezi se. Haiba u eza Se.”

<sup>36</sup> Kono cwale Ha to lifa ku Abrahama, nelisina milao kuzona, “Ni lli ezize kale.” Ali kuba... Sa Na ezize, ne lisina mulao fateni, Alifa ku Abrahama. Cwale, mi ka seo, Abrahama nana ni sepiso, kabakaleo luna ni kuba Peu ya Abrahama. “Ne si fela ku Abrahama, kono ni kwa Peu ya mwa mulaho wa hae.” Cwale haiba mu ka lemuha, ne si “lipeu” mwa mulaho wa hae, kono “Peu” mwa mulaho wa hae.

<sup>37</sup> Cwale lufumana cwana kuli sepiso, ka ku kakanyiwa nyana ki Sarah, mi Sarah abulelela Abrahama kuli ange Hagare yoo, wa Muegepita, musizana, kuli abe musala hae, mi yeo kuti neikaba nzila yana ka tahiseza Mulimu peu ya hae kayona.

<sup>38</sup> Cwale, mwa bona, kuzwa mo ne Ni bulelezi maabani busihu, muzamao kaufela kuzwa kwa mulelo wa makalelo wani wa Mulimu unepela mulelo kaufela kwande. Halukoni kuzwa kwa Linzwi la makalelo lani. Lina ni... Ne lu bulezi fateni maabani busihu, kamba neli maloba, nitaluse, kaza Balaami. Na filwe kalabo ya Mulimu, hande kusina likañi, “Usike wa ya!” Kono

Na li tato ya kuhapeleza. Mi wakona kubeleka ku zeo haiba utabela cwalo, mi Mulimu uka si eza kufa likute ku Yena, kono niteñi ha ki tato ya Mulimu ye petehile. Mi zeo kona ze lu lukela kulwanela, tato ya Hae ye petehile, isiñi tato ya Hae ya kuhapeleza. Mubuso wa Mulimu, ili wo Yena . . . oliteni mwa lifasi kacenu, hauna . . . ku tomiwa, ka kuluka, fa tato ya kuhapeleza. Una ni kukutela kwa tato ya Hae ye petehile.

<sup>39</sup> Cwale lubona fa kuli Sarah, kasamulaho Mulimu a bulelela Abrahama kuli mwana na ka pepwa ka Sarah, yana ka fuyola lifasi, cwaled Sarah a kakanya. Ni bata kuli mulemuhe, ne li si ka taha ka Abrahama; kono neli ka Sarah, musali. Mi musali a honona ka zona, mi ali, "Ikungele Hagare wena." Mi Abrahama na sa lati kueza cwalo, kono Mulimu amu bulelela kuzwelapili mi aeze ona cwalo kupale kumane. Konakuli aeza, akakanya hanyinyani. Cwale, Isaka, kakuba ya lukuluhile mi yazwile ku musali wa sepiso, nasike aba ni sanda hamoho ni Ishimaele, musali wa muzike, ka kukakanya.

<sup>40</sup> Kona za na lika kubulela Paulusi fa. Mwabona, fo kunani nto iliñwi ye kakanyizwe, mi itisa nto yeñwi ku Mulimu, mulao omuñwi wa Mulimu, kono haina kuba ni sanda hamoho mulao wa makalelo wa Mulimu. Mwa utwisisa? Mwabona, haikoni kuba ni sanda hamoho.

<sup>41</sup> Cwale kona ha Ni li ya buhali luli kacenu. Mi Ni hupuzi ye ikaba nako yende, kakuli ha Ni zibi kuli lu ka ina nako yekuma kai hamoho, mi, mwendi haiba Ni kona, ka nzila yeñwi Mulimu uka ni tusa ku mi bonisa libaka le Ni omanyeza hahulu bulapelibwa kuongaonga. Mwabona? Mwabona, halikoni kuba ni sanda hamoho ni tukiso ya Mulimu ya makalelo, kakuli kopano ha ki ya Mulimu. Ki ya mutu. Keleke yapili yekile ya ongaongiwa, mwa lifasi kaufela, neli keleke ya Roman Catholic kwa Nicaea, Rome. Sinulo 17, ili, "Musali nali lihule, mi bana ba hae kaufela neli mahule." Mi lihule ki musali ya sa pili ka kusepahala ku muuna hae, mi litanya la musali ki nto yeswana. Kono, mwa bona, ne itilo ba keleke, nihakuli cwalo. Ki mulao o ongaongilwe mi ukauhanya sizwale. Lu likile kuongaonga likeleke kaufela hamoho. Halina kubeleka; za li kuba libeleke fateni. Halina (mbamba) halina kubeleka. Katengo ka Lifasi ka Lifasi, bona fela . . . ha ba yo mwa tukiso ya Mulimu.

<sup>42</sup> Cwale mu li, "Ki wena mañi, mutangana ya yemi yasina neba tuto ya sikolo sa sikuwa?" Seo ha si ezi shutano ni ye kana, seo tuto ili sona. Ha ki tuto yaka ye Ni lika kumi ambota ka yona.

<sup>43</sup> Ki Linzwi la Mulimu le Ni mi ambota kalona, mwabona. Mi liponahaliso ze mubona mwa bulumiwa, ha ki na, ki Mulimu yasweli kulika ku mi fitiseza zona, kuli Niti. Kikuli Mulimu ukaba ni sa keuza kaufela ni buhata? Mi libe kwahule nina, kusebeleza Mulimu yakona kufuyola buhata. Ki Niti Ya fuyolanga, yona Niti yana Kutekile.

<sup>44</sup> Cwale, Ishimaele na si ke aba ni sanda hamoho ni Isaka, kakuli alimuñwi na kakanyizwe nyana, neli fela kubilaela nyana. Ne li mwana, ne li peu ya Abrahama, kono isiñi nzila yepetehile ya Mulimu ka yona; Ishimaele. Cwale Na kona kusinya nako yeñata fa, kono Ni sepa kuli Moya o Kenile ika kenya se kumina ka nzila yeswanela hande. Cwale haiba baka . . .

<sup>45</sup> Haiba Ishimaele ni Isaka ne ba ka ba ni sanda hamoho kakuli mulelo wa makalelo wa Mulimu no yolisizwe mwa—mwa mulelo wa kuhapelezwa wa Mulimu, nzila ya kuhapeleza ya na si ka fuyola Mulimu, neba Keleke ya moya haikoni kuba ni sanda hamoho ni ya likopano. Ba likopano, Mulimu na ba fuyozi, sina mwa Na ezelize ku Ishimaele, kono ba Moya habana kuba ni sanda hamoho ni babañwi. Yeo ki niti. Ku kaba, baba ka zwa mwa keleke ya likopano (yebizwa fela kuli keleke, keleke ya nama), ku ka taha Munyaliwa wa Kreste, yena Yaketilwe.

<sup>46</sup> Cwale foo, se si ni kataza ka nako ye, ki kuziba kuli lubona likopano ze kaufela lisweli kuohohela kuze lubiza kuli ki . . . se mubiza kuli pula ya maungulo, kamba kusuluha kwa Moya. Kana mwa ziba kuli Jesu naize, kuli, “Zeo ha li ta ezahala, ikaba kwa mafelelezo”? Kanti, mwalanjo wa sikuba ni mwalanjo ya butali ne basina sanda hamoho. Kakuli fani . . . Mwalanjo wa sikuba, nali mwalanjo, fela nasina Oli. Kono ha ya kwa kuleka Oli, neli ka nako yani ni yena Munyali ataha. Mi asiwa fande, ha na sweli kuleka Oli. Mwa utwisisa? [Kopano ili, “Amen.”—Mu.] Ni bata kuli seo sinwele, hande nde. Cwale, luli Hanina ku shimbulula tuto yeo kuisa fahule hape. Cwale, neba za Moya mane halikoni kuba ni sanda hamoho ni za nama.

<sup>47</sup> Ki kabakaleo Kuungelwa, kwa Munyaliwa, kwa mwalanjo ya butali, ya bizelizwe kwande, ya lelilwe kale, ya ketilwe! Kiní, mina baana ba pisinisi hamuna kuzamaisa ofisi ya mina sina batu ba ba lika kunahana kuli Mulimu uzamaisa tukiso ya Hae, ka kuakaleza fela. Mulimu na ziba, kusikaba kale mutomo wa lifasi, ya na ka piliswa ni ya na si ke apiliswa. Ka kuketiwa sapili, ka kuziba zetaha, A bona mutu kaufela, añola libizo kaufela mwa Buka ya Bupilo ya Ngunyana, kale mane Keleke i si ka kalisa. Jesu na tezi ku to bata ni kupilisa bene ba li mwa Buka yani. A leka Buka ya Puluso. Ne i latehile, mi A lu liulula, mi mabizo kaufela anali mwa Buka a puluswa nako Ya lu liulula.

<sup>48</sup> Mi, sina ha Ni bulezi linako zeñata, mu lemuhe cwalo. Kona ze mubezi mo kakusasana cwana, ze mu zwezi mwa likopano kaufela ni lika zeñwi. Muna . . . Kuna ni Sesiñwi se si mi hoha. Sina mulelo waka omunyinyani mo no bezi, ka za mbande yene ndondolezwi mwahala likuhu, mwabona, mwa—mwa ziba kuli kuna ni nto yeshutani. Ke—ke keleke nesina sika—sika sa ku i kulisa. Kono, mina, mu utwile nto yeñwi yeneli mulumo, mwabe mwa lemuha cwalo, kuli ne mu pepezwi mulelo Woo. Mu siemba sa Zona. Mina, mwa kwana mwa Teni, inge sapalo sa kwa lizoho. Kona ze lu kopanezi mo kakusasana cwana, ki kuli, inge

boma bakwa mboela mo ne ba bulelelanga kuli, “linyunywani za mafufa aswana lifufela hamoho,” kakuli muna ni lika zeswana.

<sup>49</sup> Tuñoti ni maiba halina lika zeswana. Lico za zona za shutana, neba inge kuli liiba lakona kundondokela mwatasa kañoti. Yeo ki niti. Kuitingile ku seo nesili sona, ka kukala. Cwale, mi ku zeo, kuli, li—li liiba lina ni ku futumazwa nyana ka yena, yena kañoti yoo, kono kwa mafelelezo ika fumana mulikana yona.

<sup>50</sup> Kona seo Keleke isweli kueza kacenu, kakuli Jesu ki Linzwi mi ki Yena Munyali, mi Munyaliwa ki siemba sa Munyali. Kabakaleo Linzwi le li lukela kutalelezwa mwa lizazi le kona siemba sesiswana sa Linzwi lene li talelelizwe mwa lizazi la Hae, mi ki Linzwi leliswana, maikuto aswana, Bupilo bo buswana.

<sup>51</sup> Kakuli, fani Mulimu ha na kauhanyize Adama, nali bababeli. Lu fumana cwalo, Adama nali moya, ka kukala. “Na ezize mutu mwa siswani sa Hae Tota, Aba eza ili muuna ni musali.” Mi kuzwa foo, Genese 2 ni kuzwelapili cwalo, Na ezie mutu mwa . . . wa liluli la lifasi. Mutu na ezizwe mwa sibupeho sa Mulimu (Mulimu ki Moya), kacwalo ki mutu wa moya. Mi cwale ha to ba mutu wa nama, nama ya folofolo mwa lifasi, Yena ki—Yena u bonisa, ubonahalisa fa Munyaliwa. Na si ka nga sinca ni kubupa mutu usili, kono Na ngile siemba sa Adama, pupo ya makalelo, anga ku za muuna, neli likupo kwa makupo a hae; mi azwisa siemba sa moya wa busali ku Adama, asiya moya wa buuna mwateni, ni ku ubeya mwa kalulo ya busali. Kabakaleo, siemba sa moya wa hae, siemba sa mibili wa hae; nama ya nama ya hae, lisapo la lisapo la hae; Linzwi la Linzwi la Hae, Bupilo bwa Bupilo bwa Hae, mi cwalo kona Munyaliwa mwainezi ku Kreste!

<sup>52</sup> Ki kabakaleo Kuungelwa kwa Peu ya silena haina ni kutaha pili. Mi bafu babañwi habana kupila ka myaha ye sikiti, mi batiswa kwa Lubona Lolumweu lwa Katulo. Mwabona, hakuna katulo kwa Peu ya silena, kamba kwa Peu ye lelilwe ya Abraham. Cwale haiba mu ka nga Muhalalehi Joani 5:24, muteeleze ku se, “Ya utwa Manzwi a Ka, mi alumela ku Ya Ni lumile, una ni Bupilo bwa kuyakuile.”

<sup>53</sup> Cwale zeo likona ku shutana cwani kwa lituto zeñwi za bulapeli? Cwale Ne ni ka taha kwanu ni ku bulelela cakolwa kuli, “Kana wa lumela?” “Luli!” Muuna yainzi ni musala muuna usili, “Kikuli wa lumela?” “Luli!” “Kikuli no liteni mwa mukopano maabani busihu, kwa kuutwa Linzwi?” “Luli!” “Wa lumela Cwalo?” “Luli!” U bulela fela cwalo.

<sup>54</sup> Kono toloko ya makalelo ya Linzwi le, “ya utwisia Manzwi a Ka, mi alumela ku Ya Ni lumile.” “Ya utwisia,” yo ki, yena ya lukiselizwe ku li Ziba.

<sup>55</sup> Jesu naize, “Hakuna mutu yakona kutaha ku Na konji Ndate Ha mubizize. Mi kaufela bao Ndate Afile ku Na, ba ka taha. Lingi za ka, maiba a Ka, autwa Linzwi la Ka. Muenyi ha lina

ku mu latelela." Mi Linzwi la Mulimu ki lifi? Kona Linzwi la Mulimu. Muhuwo wa linzwi la mutu ki sikamañi kwanda kuba linzwi la hae? Ki Linzwi la Mulimu; ba ka utwa Linzwi la Mulimu.

<sup>56</sup> Peu ya nama neli fela sishimbelo, ka Ishimaele pili, Isaka atatama, ni kushetumuka cwalo kupunya kwa Peu. Kuswana fela sina litaka, sibunga, ni sikapi, sa mbonyi. Cwale, fa, likalulo zetalu za peu li lu bonisa siswaniso sa niti kuli Ni bata kuli mulemuhe hamoh nina kakusasana cwana. Lusweli kutalima faa.

<sup>57</sup> Mi ka kuba ya si ka itusa, Ni lukela kunga lika za nama ze Ni bona, kuswanisisa lika za moya ze zibahalisizwe ku na, kakuli ha Ni si ka liutwahlala ku mina ka sikuwa hande.

<sup>58</sup> Mi, nihakuli cwalo, Mulimu kamita utamahanya lika za moya ku za nama. Kambe ne kusina Bibebe, Ne ni ka ziba kuli Bukreste ki bwa niti, kakuli lifasi kaufela lifetuhela mwa lifu, kupumbekwa, ni zuho. Pupo ibeleka mwa lifu, kupumbekwa, ni zuho.

<sup>59</sup> Mutualime mezi a mwa kota, mo atahela mwa litali, ni muselo, ni kuwa; a kutela hape mwa mubu kwa nako ya maliha, kukena mwa mubu ni sileze; ayo taha hape ka nako ya mbumbi, ni bupilo bobunca. Mwaha ni mwaha, upaka kuli kuna ni bupilo, kuna ni lifu, kuna ni zuho.

<sup>60</sup> Lizazi li pazula kakusasana, ki inge mbututu yomunyinyani ya pepilwe, ali ya fokola hahulu. Ka sebene kamba eiti kiloko, ukala ku kena sikolo. Ka teni kamba ilebene kiloko, kele a zwa mwa koleji. Li benya mwa mata a bona, kuzwa mwendi ka ilebene kufita ka sili, mi likala kufokola. Mwa manzibwana la shetumuka, la lelifokola, seli muuna muhulu. Kana ao kona mafelelezo alona, la shwa? Batili. Li ka pazula hape habusa. Mwabona?

<sup>61</sup> Pupo kaufela, Bibebe ya hao ya niti ye pakelana ni Bibebe ye! Mi seo kona se Ni lika ku mibonisa kakusasana fa cwale, ka pupo mu ka bona Linzwi la Mulimu, li swanisizwe kwa—kwa Linzwi la Mulimu, kakuli pupo ki ze ezizwe za Mulimu.

<sup>62</sup> Inge sayansi, ba fumani bo lisipi ni milao ya zebupilwe, kono ha ba zibi kuli pupo ki sikamañi. Ha ba zibi Bupilo bwa za pupo. Yani ki Mulimu. Kacwalo, bo lisipi zesina mata ha ki zende.

<sup>63</sup> Cwale, lutaka, sibunga, ni sikapi, mulemuhe. Hagare fa uyemela lutaka, lene lili bupilo bwapili bo ne bu kalile mwa sepiso. Sarah uyemela sibunga, kamba muuku wa mununo, o taha fa sibunga. Maria, mwalanjo, u yemela Peu ya niti ya moya, kuli atahise lutaka lwa niti. Hagare ni Sarah, bubeli ne li ka foso. Kono Maria, yena mwalanjo, neli ka mata a Linzwi la sepio ya Mulimu, ka kupepwa kwa mwalanjo. A pepa Peu luli tenyene. Lutaka, Hagare, mufumahali wa bubeli, ka kukakanya sepiso, asebeza ka kukakanya, nyana.

<sup>64</sup> Ni sepa fela, mi Mulimu alutuse. Ha nina . . . Ni bata kuli mubone se, maswe maswe. Haukonи ku kakakanya neba iliñwi ya Zona. Mu lukela ku Linga ka mo Li inezi fela. Ha litokwi toloko ni yekana. Bibebe i bulela ili, “Linzwi la Mulimu halina toloko ya kwa mukunda.” Mulimu hatokwi yeñwi ya likolo zaluna kuli litoloke Linzwi la Hae. Mi Ha Li bonahalisa ni ku Li eza le lipila, ona ye kona toloko ya Lona. Mi Mulimu hana ize, “Ha ku be liseli,” kwa ba liseli. Seo ha sitokwi ku si toloka. Fani ha Naize kuli, “Mwalanjo u ka itwala,” na ti lo itwala. Ha si tokwi ku si toloka.

<sup>65</sup> Ha lutokwi zeo kaufela, ki likolo za bulapeli ni lika ze nga batu, “Kihande, *luna* ni toloko. *Luna* ni toloko.”

<sup>66</sup> Mulimu yena Kasibili utoloka Linzwi la Hae Tota. Ha tokwi mutu ku Mu tolokela. Na ize, “Li ka ezahala,” mi za ezahala. Na ize, “Mwa mazazi a maungulo, U ka sulula Moya wa Hae,” Na suluzi. Hanina taba kamba likopani libulela sikamañi. Na ezize cwalo, niteñi, kakuli Na ize kuli Uka lieza. Kacwalo, Ha li tokwi kutolokwa, kakuli Mulimu ki yena ya itolokela za Hae Tota.

<sup>67</sup> Mi lika zemubona zee, ze bonahala kuba za kunutu ku mina cwale. Haiba mwa kona, mu hupule; bulumiwa bwa hao, mina Mapentekota, kwa mulaho koo myaha ye mashumi amalalu kamba mashumi amane kwa mulaho, neli fela kunutu yetuna kuba—kuba keleke ya Methodist ni Baptist, sina Se mo si bezi ku mina kacenu. Kono cwale mwa Si bona mwa Linzwi. Ni lika ku mi bonisa sina mo ne mu likela ku ba boniseza. Mi cwale haiba Mulimu ufetuha ni kubulela kuli Ki cona cwalo, mwa Linzwi, konakuli Si pakiwa kuba ona cwalo, yeo kona toloko ya Mulimu Tota. Ha mu tokwi mutu neba yomukana ku mi tolokela zona.

<sup>68</sup> Cwale, Hagare, ka “hanyinyani fela”! Muhupule, hamukoni kunga Linzwi li liliñwi kuzwa Mwateni. Mi Jesu abulela, mwa Sinulo, kwa mafelelezo a Buka. Mi mwa Buka yapili, Kreste uli, “Mutu kaufela ya ka zwisa kwateni Siemba mwa Linzwi lani!” Linzwi li liliñwi fela ha li to tolokiwa ka mafosisa, latisa butuku, lifu, zelubile ni zona cwale. Kihande, haiba Mulimu, Yena yali yakenile, naka talimafafasi; ni kutisa butata bo kaufela ka kukakanya kwa Linzwi li liliñwi, mi nto yenyinyani kaufela ye Iwanisa bupahamo bwa Linzwi itisize butata kaufela; mi ni manyando, kusulula mali ni kushwa kwa Mwan'a Hae Tota, kuli akutisane nto yemaswe ye ku Yena; luka nga cwani mwateni sika nya fela kufita kunga Linzwi kakutala?

<sup>69</sup> “Khande,” mu ize, “Muzwale Branham, mwani neli mwa Genese.” Ni utwile zwalo, mwabona.

<sup>70</sup> Kono haluboneñi ni mi bulelele, Sinulo, kona siemba sa mafelelezo sa Buka. “Kaufela ya ka zwisa Linzwi li liliñwi mwa Buka ya bupolofita ye, kamba ku ekeza linzwi liliñwi ku Lona, siemba sa hae sika zuswa mwa Buka ya Bupilo.”

<sup>71</sup> Jesu na bulezi, mwahala a Buka! Ki zeo lipaki zamina zetalu hape: Genese, Testamente Yenca, ni lizazi la kacenu. Jesu naize, "Mutu hana kupila buhobe fela, kono ka Linzwi kaufela le li zwelela mwa mulomo wa Mulimu."

"Kihande, Na sa talusi cwalo."

<sup>72</sup> Na ambola kwa batu bene bali baituti ba za bulapeli, ku baba pahami luli. Baprista bani, bo kuku-wabo-kuku-wabo-kuku-wabo kuku babona neli baprista. Ku lyanganisa Linzwi lililiñwi la Teni, kupalañi, neli mayemo a lifu. Neba pobauzwi ka macwe, ka Linzwi lililiñwi lene li lyanganisizwe. Kono nebana ni toloko ye fosahalile ka Lona. Kabakaleo Linzwi Kasibili; haiba Mulimu u sepisize kuluma Mesia, ni ku Li luma ka masila aputaputilwe ka mwa Na Li sepiselize kutaha, nebana ni masila a tatelizwe ku Lona kuli ba litateze mwateni.

<sup>73</sup> Haluboneñi ni bulele cwana. Kona mo kuinezi ni kacenu, kuli ha bab Li utwisisi! Ha ki mwa masila a kutateza kwa ngana ya likopano. Ki mwa masila akutateza a mata azuho, ni mwa ponahazo ya Kreste ya zuhile, ka mwa na Li sepiselize Mulimu, mi isiñi mwa masila a kutateza ka mihupulo ya batu ka Zona.

<sup>74</sup> Cwale, Hagare, ka shutano iliñwi fela, ka musali, isiñi ka Abrahama cwale. Abrahama na sa lati ku li eza, kono Mulimu a mu lumeleza kueza cwalo kakuli na... Nto yeswana, Na lumelelize ni Baalami kuzwelapili. Cwale amulemuhe, ka kushutana nyana kwa Teni, apepa Ishimaele, yanali muuna wa mishitu, na sika komiwa fateni. Na pila ka buta bwa hae. Na li muuna wa mishitu. U sali cwalo, ni kacenu.

<sup>75</sup> Cwale Sarah, yena sibunga, kamba muuku wa mununo, Sarah, mufumahali wa niti wa sepiso, upepa mucaha sakata, ya tisa naha ya sepiso.

<sup>76</sup> Cwale, kono, Maria, kusina foso, kono ka sepiso, inge fela Abrahama mwa na fezwi sepiso ki Mulimu, ya Linzwi la Mulimu, kono a lumela sepiso, "Bona mutanga Mulena," mwabona, na si ka pepa lutaka, kono neli Peu ya makalelo tenyene, kakuli Na li yena Linzwi la na lumezi Abrahama ni lana lumezi Maria.

<sup>77</sup> Cwale, Maria na si yena Peu, na li fela sikapi kwa Peu. Bababeli babañwi nebali fela lishimbelo za bupilo, neli fela peu ya nama. Maria na si yena Peu, kasibili; kono sina tumelo mwa Linzwi la Mulimu, atisa siswaniso sa niti sa Linzwi, kakuli Na li yena Linzwi. Kono sina sikapi, ki...sa buloto, bubeke bwa buloto, sikapi siswala buloto mwahali bwa sona ni ku bu sileleza kufitela bukona kuhula ni kuzwelapili kubuzwa. Mwabona? Mi, neli Peu Kasibili ye ne musiile. Kuswana fela, ni Peu yene ili mwa mba, na si yena Peu yani. Na si ka pepa Peu yani. Mulimu ki yena Peu.

<sup>78</sup> Cwale, mali ka nako yani, batu babañata ba nahana kuli neli mali a Sijuda o lupiliswa ka ona. Mi babañwi ba bona bali, "Kihande, luna ni tukelo ka Bamacaba, kakuli Rahaba lihule

ni—ni Ruti wamu Moabi, ni babañwi cwalo, ne li Bamacaba.” Hauna mata a kubulela zeo, neba hañwi. Na si Mujuda kamba Mulicaba.

<sup>79</sup> Na li Mulimu, ili Logos, lona Linzwi le li zwile ku Mulimu. Mi, La kalisa kububamela fa lifasi, ni La tisa bupilo bwa mwa mezi. Mi Moya wa Mulimu, yona Logos, ki Linzwi, lana bulezi Mulimu kuli, “Ha ku be sakuli,” mi nekuna ni Logos, yene li Linzwi. Mi Linzwi la kalisa... kakuli ze kaufela nelili mwa Logos; Linzwi kakutala la Mulimu, Bibele kaufela, mwa lusika lufi kaufela. Mi sina Logos haikala kubuyela fa lifasi, kwataha bupilo bwa mwa mezi; ni kuhula cwalo, mwa bupilo bwa linyunywani, mane kukambama mwa bupilo bwa lifolofolo. Mi mafelelezo kwa taha sesiñwi mwa ponahazo, kamba kubonahala inge nto yene bubamela fateni, kububama, Mulimu, ki mutu luli mwa siswaniso sa Mulimu.

<sup>80</sup> Mutu yani awa, inge peu mo ina ni kuwela. Mi kipeto Mulimu akala kububamela fateni, kasamulaho wa kuwa. A tisa ni—ni Enoke, Na tisize ni Elia, A tisa ni Mushe, A tisa mupolofita mwa mulaho wa mupolofiota, kulika ku kutisa sibupiwa sani hape. Mi, mafelelezo, fa lifasi kwataha sibupeho sa Mulimu Kasibili hape, yanali yena Mulimu, ki Logos yene ezizwe nama ni kupila mwahala luna.

<sup>81</sup> Cwale yona Logos yeswana yani inani siemba, Una ni kuba Munyaliwa, mi ni Logos yeswana, Linzwi le halitokwi ku lyanganisiwa, ki kububama fa likeleke kacenu, kulika ku kutisa Linzwi kwa ponahazo ya Lona yetezi. Kanti, ba—ba bapolofita neli balwali ba Peu yani, mi keleke ya likopano neina ni balwani ba Peu cwale. Cwale mulemuhe, kapili, kono sina sikapi mo si swalela, si buluka Peu cwale, kipeto bwa zwa kwateni.

<sup>82</sup> Jesu neli Mulimu. Na li yena. Ndata He neli yena Logos Kasibili. Ni Na si ka Li sululela kaufela ku Mushe, kakuli na li mupolofita.

<sup>83</sup> Mi Linzwi la Mulena kamita, ha li palelwi, litahanga ku mupolofita. Hakuna sibaka, hakuna nako, mwa Bibele, kamba kukala ka Bibele, kuli toloko ye lukile ya Linzwi itahange kwa baituti ba za bulapeli. Ha li yo mwa Mañolo. Ne li si cwalo kwa Bafarisi, ne li si cwalo Basaduki, mi neba Mulimu ali kuba atise mupolofita kuzwa mwahala bona, mane Ali kuba aeze cwalo mwa mazazi a maungulo aa.

<sup>84</sup> Nako yene ba li tisize fela, ba taha hamoho ni keza kopano ku yona, ona fani se ishwa. Kono ki ka mulelo ha Na ezize se. Lu ka lika ku li toloka, Mulimu alu tuse. Mulemuhe, mubone mwa bezi bukaufi musali yoo, ili keleke, ki peu cwale, ikala kubonahala inge Peu Kasibili.

<sup>85</sup> Cwale mu lemuhe, peu ha iwela mwa mubu, ki peu ya makalelo. Ha i mela, i tisa bupilo. Kono bupilo bueza sikamañi kwande a peu ya buloto? Ha itisi lutaka lo luswana lwa buloto

ona foo, kamba bubeke bwa buloto. Ki bupilo bwa buloto, kono bu mwa sishimbelo cwalo. Mi kwani neli kuongaonga kwa makalelo, fani Luther ataha kuzwa mwa lififi la butata. Ne ina ni kushwa.

<sup>86</sup> Linako zeñata luli, batu babanga ni maikuto a makeke. Oh, mi Ne ni balile buka cwana haki kale hahulu, yakuli *The Silent God*, ne ni ifilwe ki alimuñwi wa baituti ba bulapeli ba kacenu babalika kuzwa ku Mulimu. Haiba ha mu zibi Linzwi la Mulimu ni mulelo wa Mulimu, mwakona ku komoka ka bunolo. Kono haiba u boni mulelo wa Mulimu, tukiso ya Hae, kipeto ka tumelo uziba kuli ki Mulimu; mi Mulimu aiponahalisa Iliyena, aeza fela za Na ezize mwa—mwa linako zeñwi, kuzamaya, ni kubonahalisa.

<sup>87</sup> Ki kabakaleo Mushe ha na si ka nyunga. Na ambola pata ni pata ni Mulimu, ni Mulimu na ambola ni yena, “Kina ya Nali ni Abrahama kwa mulaho kwani. Kina ya Na file sepiaso ye. Ni kaba ni wena.” Mu ka hanisa cwani muuna yoo he?

<sup>88</sup> Sina mupolofita wa kale yana ize, “Tau ha i lila, kimañi yasike a saba? Mi Mulimu ha bulezi, kimañi yasike a polofita?” Ha lu bona za sepisize Mulimu ka nako ye, kulibona inge li iponahaza, mukona cwani kuyema inge mukuzize ha mubona kuli kona nzila ya Hae? Sa Na bulezi, kuli si ka ezahala. Mwabona lika za kunutu kaufela, kono yeo fela kona nzila ya bata Mulimu kuli liezahale ka yona.

<sup>89</sup> Cwale mulemuhe, “musali,” ki sishimbelo. Cwale, Hagare ataha sina lutaka, mi cwale kwa taha mununo, mi kona kutaha sikapi, mi kona kutaha Peu. Cwale mutualime lishimbelo zee, Ni bata kuli mulemuhe, pili.

<sup>90</sup> Cwale, lutaka ha lu bonahali inge Peu, kono haili Bupilo bone buli mwa Peu bu mwa lutaka. Yani neli Luther. Cwale, lutaka lo lunyinyani luna ni matali amañata; yazwa ku Luther, kutaha ku Zwingli, ni kushetumuka cwalo ku Calvin ni babañata babañwi.

<sup>91</sup> Cwale mulemmumuhe, kanti, ne i cincize sibaka sa yona. Mutualime ze bupilwe cwale ha li bupa Linzwi la Mulimu, sina lizazi; lifu, kupumbekwa, ni zuho. Mi kona kutaha mununo, yani nelin Wesley. Mi ka zona zeo nekuna ni mununo omuñwi mwa buñata ono fumaneha kuona, sani mane ne si bonahala inge ki yona Peu kufita litali lani mo ne liinezi, fa buloto kamba mbonyi. Ne i bonahala inge yona hahulu; kakuli, Wesley ni Linzwi la bubeli, Linzwi la bubeli la Mulimu, inza tisa keleke ya Hae, kutaha kwa kukeniswa. Leo kona lene lili liñusa la hae. Ku lukile.

<sup>92</sup> Mi, kasamulaho nyana, zani za tuluka ni kukena mwa lutaka hape, ni kutisa mukuñu wa mbonyi. Kono mukuñu wo u si ka kalisa kale, nekuna ni kunyungingwa, sikapi, se ne si apesa, mutose. Mi mulimi wa buloto kaufela, mulimi wa mbonyi, haiba

mu apula mwa mukuňu wa mbonyi wani kamba buloto, mu ka nahana kuli kanto nyana yani ki—kanto nyana kani ki bubeke bwa buloto. Kono, cwale, loo kona lusika lwa Pentekota. Cwale hamukoni, mina, muituti wa za bulapeli kaufela kamba . . .

<sup>93</sup> Muituti wa za ikale kaufela, nitaluse, u ziba kuli ao kona masika, kona mw'a tahezi. Munge bu—bu Buka ya Sinulo, munge masika a keleke, mi mubone haiba zeo ha ki cona luli mo litahela.

<sup>94</sup> Cwale, kuzwa ku Wesley kwa taha Pilgrim Holiness, ba Nazarene, ni likeleke nyana zeňwi za ba kukena, bukaufi cwalo kwa Linzwi kufita muzamao wa ba Lutheran mo ne ubezi. Kono, mwa bona, nako ya ongaonga Luther, kona yene kalisize matali ani. Mi cwale se ha si taha, Moya kaufela wa zwa mwa keleke yaba Lutheran yani, kaufela bona neli fela ba likopano, mi balumeli ba niti bakena mwa kukeniswa.

<sup>95</sup> Mi cwale ba za kukeniswa ha bazwelapili, ba Pilgrim Holiness, ni babaňwi cwalo, ni likopano kaufela za ba kukena, Nazarene, ni zeňwi cwalo, Za shimbuluka kuzwa fani, kukena mwa lusika lo lwa Pentekota. Mi amutalime fa peu nyana yani cwale, ya buloto, ibonahala hahulu linako ze milioni inge kona buloto bwa makalelo, bo ne bu keni mwa mubu, kufita se ne luezize lutaka kamba mununo wani. Kono haiba mu ka inafafasi, mwa bu beya mwa siponi, ni kukwalula makapi ani, ki lishimbelo fela hape. Bubeke ha bu si ka kalisa kale. Ki lushaba nyana fela lo lu shoshezi, hamuna ni siponi sesituna hande mwa kutalimela mwakona kubona ngo yani, inge isupile, kutaha peu. Ni sikapi se fa sesibonahala inge kona nto yaluli, ha ki yona batili. Ki mba fela.

<sup>96</sup> Inge mba ya Maria. Maria na si yena Peu, mwa mutala wo wa lutaka. Na li fela sishimbelo sa Yona, inge babaňwi ba basiyezi. Kono ka kubizwa baketwa pili, ki Mulimu Kasibili, kwa mulelo woo, nekubonahala inge balikani ba luna ba Katolika mo bakona kunahanela, kuli nali yena mah'e Mulimu. Batili, na si yena mah'e Mulimu, mane na si yena Peu ya Mulimu.

<sup>97</sup> Musali ki yena yatisa lii. Mulimu utisa bu—bu bupilo. Mali apila, ona mali, afumaneha mwa mata a buuna.

<sup>98</sup> Nasikuku wakona kubeela lii kamba nyunwani yakona kubeela lii, mwa nako ya maliha ipanga siyaleto sa yona, kono, haiba nyunywani ya nasikuku yani haina kuba ni ya mukombwe, haina kundondoka. Li shwile. Li ka bolela mwa siyaleto.

<sup>99</sup> Sina Ha ni bulelanga hañata, kuli kona sesili butata ni likeleke za kacenu, basweli ba bolela mwa siyaleto, ba bizwa kuli Methodist, Baptist, Mapentekota, ni babaňwi cwalo. Haiba ha ba swalani ni Linzwi, Kasibili, ba ka bolela mwa siyaleto, mwa kopano yabona.

<sup>100</sup> Cwale, cwale babaňwi ba bona ba bulela kuli cwale, Baipanguli hahulu mane ba lumela kuli ne li Maria ya na tisize

lii. Haiba zeo li cwalo, mutualime se muezisa Jehova Mulimu kueza. Lii halikoni kutaha kusina maikuto a mubili.

<sup>101</sup> Kacwalo, mwa bona, Mulimu na ezize zepeli cwalo lii ni kokwani ya bupilo, Na bupile zepeli cwalo mwa mba ya Maria. Mi Muuna yani na si nto ifi kaufela kono neli Mulimu Kasibili yana pila mwahala luna, Emanuele, isiñi fela mutu, mupolofita; Na li Muuna yomunde ni Mupolofita; isiñi muluti, wa za bulapeli. Oh, Na swanelā—Na swanelā kuba ni zeo kaufela; Na li mwahala zona kaufela. Kono kufitelela zeo, Na li yena Mulimu Kasibili. Bibebe ibulezi kuli, “Lu pilisizwe ka Mali a Mulimu.” Mulimu Kasibili, ha ki mutu wa bulalu kamba mutu wa bubeli. Ki Mutu, Mulimu Kasibili, Jehoba yomutuna, yana apesize Maria; mi ni Mubupi, mi abupa zepeli cwalo selu ya mali, ni bupilo, mi hape ni lii cwalo.

<sup>102</sup> Haiba mukona kueza kuli Mujuda abone, wena . . . wa ziba Yo Mesia ali yena. John Rhyn yani ha na folisizwe kwani kwa Benton Harbor, nabile sibofu ka myaha ye mashumi amane. Muluti yani a ni buza, ki hali, Ne ni na ni lipuzo ni likalabo ni yena, ki hali, “Ha u koni kushabaka Mulimu mwa liemba zetalu ni ku Mu tambeka ku Mujuda.”

<sup>103</sup> Na li, “Babañwi ba bona baezanga. Kono luna ha lu pumaki Mulimu mwa liemba zetalu.” Se nili, “Kikuli wa lumela bapolofita?”

“Luli, Na lumela mwa bapolofita,” a bulela.

<sup>104</sup> Na li, “Ki mañi ya na ambolwa ki Isaya, Isaya 9:6, ‘lu pepezwi Mwana wa mushimani?’”

Ki hali, “Kiñi, ne li Mesia.”

<sup>105</sup> Na li, “Ki tamahano mañi yakaba ni yona Mesia ku Mulimu?” Ani neli mafelelezo. Na bulela cwale . . .

Ki hali, “Uka ba Mulimu.”

<sup>106</sup> Na li, “Kiniti luli. ‘Libizo la Hae u ka bizwa Muelezi, Mulena wa Kozo, Mulimu Yamata, Ndate wa Kamita.’”

<sup>107</sup> Foo kona ba oneness fo li mbwinjelize, foo kona ba trinity fo ba li mbwinjelize, maneku a nzila kaufela. Kono kalulo ya tabo inzi fahali a nzila. Haiba Mulimu nakona kuba Ndata He Luli, haiba Jesu neli Ndata He Luli, Nasike aba cwalo. Mi haiba Nana ni Ndate usili kwanda Mulimu, mi Bibebe ibulezi kuli “Moya o Kenile” ki yena Ndatahe, mi haiba ki mioya yemibeli yesutana yeo, Na li mwana wa mwa bunyazi kanti. Yeo ki niti. Ki ufi yanali Ndata He, Mulimu kamba Moya o Kenile? Mu bulele alimuñwi fateni mi mu ka bona mo mu ka komokela. Mulimu nali Yena Ndatahe. Ki niti yeo nji? [Kopano ili, “Amen.”—Mu.]

<sup>108</sup> Mateu 1:18, Na ize.

*Cwale kupepwa kwa Jesu Kreste kutahile ka mukwa woo: Mahe . . . Maria a na beevelizwe ku Josefa, ba si ka*

*ina kale hamoho, akomo ka afumana kuli ubeilwe fa  
mezi amanca ki Moya o Kenile.*

<sup>109</sup> Cwale Ndata He ki Mañi? Mwabona, mwabona se Ni talusa?  
Mulemuhe.

*... Josefa muuna hae, ka kuba muuna ya lukile . . . a sa  
lati kumu swabisa kuba bañata, a hupula ku mu lisela  
kwatuko, ahupuzi kueza zeo.*

Amubone, *ha sa hupuzi kueza zeo, . . . lingeloi la  
Mulena la mu tahela kwa buloko, lali, Josefa, wena  
mwan'a Davida, u si ke wa saba kuikungela musala  
hao . . . Maria: kakuli sa itwezi ki sa . . . [Kopano ili,  
“. . . sa Moya o Kenile.”—Mu.]*

<sup>110</sup> Ni nahana kuli babulezi kuli, “Mulimu Ndate ki Yena yanali  
Ndatahe”? Oh, baituti ba za bulapeli, ikai kutwisiso ya mina?

Mulemuhe, “Ku kaba Liseli ka nako ya manzibwana!”

<sup>111</sup> Peu ya niti ne itahile ka Maria, kono ne si Peu ya hae. Ne li  
sepiso ya Mulimu, yana bulezi kuli, “Bona mutang'a Mulena.”  
Balwalí ba bupilo neli basali. Mi cwale, Maria, ni Peu nebali  
bukaufi hahulu.

<sup>112</sup> Hagare nana ni ku i amuhela mwa nzila ye lyangani. Sarah,  
akakanya taba yateni, alitisa fela kwa peu ya nama, ka takazo ya  
foso. Kono Maria, kusina foso neba hanyinyani, alumela Linzwi,  
mi Linzwi la eزوا nama.

<sup>113</sup> Kono mulemuhe, Maria kakuba fakaufi hahulu cwalo,  
abuluka Peu mwa mba ya hae, mi ne ku bonahala inge kuli  
ikaba Peu ya hae. Mi kona mo ba bezi ni Mapentekota. Ni  
ka mitusa kuutwisisa cwale. Kono muhupule, Jesu naize, mwa  
Mateu kauhanyo ya 24, timana ya 24 kuli, “Mwa mazazi a  
mafelelezo, mioya yemibeli . . .” Isiñi mwa mazazi a makalelo,  
cwale. “Mwa linako za kwapili, mioya yemibeli ikaba fakaufi  
hahulu hamoho kufitela ikona kupuma ni bona baba ketilwe  
haiba ki nto yekonahala.” Moya wa pentekota, mane fela inge  
yona taba yateni tenyene, ka kupetahala hande kuli uka puma ni  
bona baba ketilwe kuli haiba kinto yekonahala.

<sup>114</sup> Cwale, ao ha ki manzwi aka. Zeo kona za Na bulezi. Cwale,  
kasamulaho nyana, mwendi lukaba ni kutwisiso ya se Ni lika  
kubulela. Cwale Peu yani kaniti ne i bonahala hahulu . . .

<sup>115</sup> Sikapi sani ne si bonahala inge kona Peu, kufitela mane  
ni muuku wa mununo ha u bonahala kuswana, ni kufitelela  
mo ne luinezi lutaka, kono neli fela lishimbelo za Peu.  
Mwabona, Luther na li ongaongile, lutaka lwa shwa; Wesley  
na li ongaongiwa, muuku wa mununo washwa; Pentekota ya  
ongaongiwa, bupilo bwa shwa. Mi cwale kutaha Peu. Ha mu  
sakona kuzwelapili kwanda Peu.

<sup>116</sup> Mulemuhe, mwahala myaha kaufela, muzamao omutuna ha  
ukalisa, kapili mwa mulaho wa zona kwataha kopano. Mwendi

ki myaha ye milalu fela kona butelele bwa ancafazo mo ibelanga, kipeto ba li ongaonga, kueza kopano. Kuna ni kuba zeñata zezwile kuyona; sina babañata babazwile ku Luther, matali; ni babañata baba zwile kwa mununo, Wesley; ni matali a Pentekota azwela fande, oneness, twoness, threness, fourness, fiveness. Oh, makeke! Mwabona?

<sup>117</sup> Kono, mulemuhe, myaha ye mashumi amabeli ya kubonahala kwa Jesu Kreste! Hakuna neba kopano iliñwi ye nyakalalile, mi hakuna neba iliñwi ye kaba cwalo; i ka shwa inge muzamao wa pula ya maungulo ni lika zeñwi. Ye ki nako ya mafelelezo, ki Peu, mi haiba kuba ni sanda hamoho ni sikapi, neba Ishimaele hana kuba ni sanda ni Isaka.

<sup>118</sup> Mwabona fa cwale mo se abezi bukaufi, bukaufi luli ni kupuma. Luther, ki lutaka; Wesley, ki sibunga; mi Maria, ki sikapi, kamba ki mba, kamba Pentekota. Mo Ni kona kufitela fa sikapi seo, ni kumi bonisa. Kutaha cwalo mwa lusika, ha li si ka taha fakaufi cwalo kufitela haliba sina mo liinezi cwale. Liki kaufela mwa keleke, ki *keleke*, mwabona, ki “musali.”

<sup>119</sup> Mi mulemuhe, neli “musali,” kwa simuluho, yana kakanyize sepiso ya makalelo. Ne si Mulimu ya na kutisize Linzwi la Hae. Mulimu ha kutisezi Linzwi la Hae kacenu; U sweli kuyemela Linzwi la Hae la makalelo! Kono Sarah, “Mwendì, hakulata; lu libelezi.”

<sup>120</sup> Boo kona butata bobuli ni batu kacenu, mulika kupahama fa sibaka se mu sa zibi mwa kupahamela. U ka eza cwani ha u sa zibi so sweli kueza? Kikuli muzamaya mu foufalizwe? Kulika kupahama fa sika so sa zibi mwa ku ezeza, u ka wa. “Haiba sibofu si etelela sibofu, bubeli bwa bona ba ka wela mwa musima,” Jesu ki yena yana bulezi manzwi ao.

<sup>121</sup> Kono cwale lu yemi mwa nako ya Peu. Cwale Peu i ka swaliva, (sikamañi?) kuba tuso, tusano ni Peu ye I bulukile. Ne i beilwe fani ka mulelo, kuli ibulukile.

<sup>122</sup> Kakuli, sina lizazi mo li pazulela mwa nako ya litabula, fa buloto, mutualime ze bupilwe kakutala ka buino bwa linako mi buzamaela, ka buino bwa lizazi mo lizamaela, liki kaufela lizamaya handende, ni Mulimu. Cwale lizazi leli futumala lani ha li monyeha fa peu, la ikaba. Kono lifasi lina ni kuba mwa sibaka sesiñwi kuli Peu yani ikone kumela mwa mubu. Ina ni kutaha neku leo, ni kuba mwa sibaka sesiñwi kuli peu yani imele. Neina ni kutaha ka nzila yani, kuli izwe mwa . . . izwe mwa lusika lwa lififi.

<sup>123</sup> Batu ba bañwi . . . muhanyezi yene Ni bulela yana ñozi buka yakuli, *A Silent God*, na ize, “Mwahala masika a lififi kaufela, mo ne ku shwezi babulaiwa bani, ba shetumuka, Bakreste bani, mi Mulimu ainzi mwa Lihalimu inge kuli mane Na sa isezi ngana kwateni.” Kiñi, muuna, wa sitimbi, sibofu, kwa neku la za moyo, haiba meto a hae ka na ba a kwaluhule! Kikuli ha mu zibi kuli

peu ina ni kubeiwa mwa mubu, ishwe ni kubola, i si ka taha kumela kale?

<sup>124</sup> Mi keleke ya pentekota ya shwa, mwa keleke ya makalelo ya Katolika. Mi ya taha fela mwa lutaka cwalo, kono mwabona mo sei bonahalela, ku ifi ni ifi, ku ba Lutheran, Wesley, lusika lwa Pentekota? Mwa utwisisa? [Kopano ili, "Amen."—Mu.]

<sup>125</sup> Cwale Lina ni kutaha hande kukutela kwa bulumiwa bwa makalelo bwa Na nani fa lifasi fa, kakuli ki Munyaliwa. Ki balibañwi. Cwale Na sepisize, mwa mazazi a maungulo, lika ze mo li ka ezahalela. Mi lwa li bona ha liezahala, inge lisepiso kaufela, Malaki 4, Muhalalehi Luka 17:30. Oh, ki Mañolo amakai hape, akona kuya kusina kufela!

<sup>126</sup> Mi, oh, Ni lukela kutuhela, kakuli seli busihu. Eehe. Ku lukile, muba—muba bulelele, mubone haiba bakona kuba . . . Mu ba buze, mwabona, mi kipeto mu to ni bulelala. Cwale, fa muzuzu fela. Ni bata kunga se, hahulu luli, mwabona. Ni—Ni bata kuli mubone se, hahulu luli. Mutualime, Jesu . . . Mulemuhe, mwabona, ki Munyaliwa.

<sup>127</sup> Niteñi, lu fumana kuli, mwa lusika lo lupila cwale mo, mwabona, kuli mba, kopano ya Pentekota, ne ibonahala inge kona nto yaluli. Kono kikuli mu lemuhile seo, Sinulo 17, ne i biza keleke ya Roman Catholic, kopano ya makalelo, kuli "lihule"? Ki ba bakai babaziba kuli yeo ki niti? Ki ba bakai ba baziba kuli neli yena mahe mahule? Musali wa litanya ki ya cwani? Cwale, Na bulezi kuli musali yo yona "keleke." Lihule ki musali yacwani? Ki musali ya sa sepahali kwa buitamo bwa linyalo la hae. Lihule ki nto mañi? Kinto yeswana, linzwi leliswana.

<sup>128</sup> Cwale, musali apepa. Neli kupepa kwa mufuta o cwani? Isiñi kwa Linzwi, kono kupepwa kwa kopano. Kiye Methodist, Baptist, ni Mapentekota, mi kaufela bona baile ka mukwa wa maa bona. Musali kaufela wa litanya mwa California wakona kupepa musizana wa mwalanjo; mi kona liñusa la pili ze ne litezi, kono cwale niti ha i yo patalazwa kwa lusika lwa Luther, lwa kukeniswa, na si ka ikungela zona. Kolobezo ya Moya o Kenile ha ne i lumelizwe, kutiswa ku ba Methodist, ne ba si ka i amuhela. Mi cwale nako ya Peu ha i to tisa pentekota, hakoni ku I amuhela. U i kongakongile. Kono ubile mulwali wa Peu, mwabona.

<sup>129</sup> [Muzwale ubulela ka lulimi lusili. Hakuna manzwi fa tepu—Mu.] Amen. Cwale mulumbe Mulena ka seo, ka Linzwi, bunolo bwa Linzwi le li bulezwi.

<sup>130</sup> Mwabona, kinto ye bunolo fela, inge fela mwahali mo, inge kubona mbonyi mo i hulela. Ha u lukeli kuba ni toloko ya lituto za bulapeli. Mutokomele fela foo. Muna . . . Uinzi bukaufi ni wena, ka nako kaufela. Mwabona, mwa . . . ki . . .

<sup>131</sup> Ni lukela ku tuhela. Ni iutwile kuhohiwa, mi Ne ni mu bulezi kuli aeze cwalo. Lu swanelia kukwala. Cwale, muzwale, ka pulelo iliñwi yee, kipeto Na funduka.

<sup>132</sup> Mutualime, cwale. Sikapi, lutaka, ni zeñwi cwalo, ki lishimbelo fela za Linzwi. Nebana ni siemba sa Linzwi, mwabona, kufitela ba yo fitafafasi; kuluka, kukeniswa, kukutisezwa kwa limpo mwa—mwa Mapentekota. Kono cwale mulemuhe. Inge fela mo ne kuinezi ku Ishimaele, Isaka, mwabona, mi cwale ni ku Jesu; mwabona, iliñwi neli ye lyangani, iliñwi neli ya makalelo, mi ki yeo Peu Kasibili ya taha. Mwabona? Cwale, keleke izwile kwa lika zeswana zeo, ku zona luli. Inge palisa kamba sika kaufela, za nwa, za hoha, mi zaya . . .

<sup>133</sup> Seo ha si talusi kuli ba Lutheran ba latehile. Ba Lutheran bene ba hanile kukeniswa, kuba cwalo, baba bata kuswalelela ku sesiñwi . . . Mwabona, Isilaele na cile manna yenca busihu ni busihu, mwabona. Mulemuhe.

<sup>134</sup> Kono cwale kwa mafelelezo a nako, mutualime fa sikapi fa, cwale mulemuhe, mwa buloto. Kunutu ka kutala ya—ya Bupilo i kwahezwi mwahali a sikapi. Lwa libona ku Luther, ha litaha cwalo. Lwa libona mwa sibunga, ha litaha. Lwa libona mwa lutaka. Lu taha kwanu, mi cwale ki mwa mufuta wa sikapi, mane inge lusika lwa pentekota, kono kunutu ya luli i patilwe mwahali.

<sup>135</sup> Cwale muhupule, kuya ka Sinulo, kunutu kakutala ya Buka i kwahezwi ka Maswayo a Supa, ze ne basina baongaongi neba kolo ya kuluta, likalulo zene za kuongaonga, likalulo zene za Libatana zene ze ne ilo katanyeza mata amane a lifasi. Yapili ye neile, neli ya . . .

<sup>136</sup> Ki ifi yapili ye ne ile? Neli tau, ku yo katanyeza lusika lwa ba Roma. Lani leni Linzwi, la makalelo. Ki yena Tau ya lusika lwa Juda. Kreste Kasibili ki yena ya na ilo katanyeza lusika lwani. Ki folofolo mañi ya bubeli yene i lo mukatanyeza; folofolo yetatama yene ilo mu katanyeza, kuyo katanyeza mupahami wa pizi, neli ifi yani? Mwabona, mupahami wa pizi yapili yani na apezi zesweu, ni kuwani ya bulena kwa toho, kasamulaho, ni zeñwi cwalo, kono buta bobusina masho.

<sup>137</sup> Mulemuhe pizi ya bubeli yene ile, Sibatana sene si ilo mu katanyeza neli komu. Komu ki sibatana sa milwalo. Ne ba keni mwa kubulaelwa linzwi ka linako za lusika lwa lififi.

<sup>138</sup> Sibatana sa bulalu sene si ilo katanyeza neli pizi, pizi ya lifu isika pahamiwa kale, lifu ni lihele, pizi yetatama yene ile . . . Sibatana se sitatama sene si ilo katanyeza mupahami wa lizazi lani, neli Sibatana sa sifateho sa mutu. Ki ba bakai babaziba cwalo? Lusika lwa zibo, baongaongi, Luther, Wesley, Calvin, Knox, Finney, Moody. Mwabona?

<sup>139</sup> Kono cwale mulemuhe, neli sikamañi sene siile mwa nako ya manzibwana? [Muzwale uli, “Mbande!”—Mu.] Mbande, sipolofita sa kuta hape. Ku kaba Liseli ka nako ya manzibwana, nzila yelika kwa Kanya mu ka i fumana kaniti, O Keleke ya Mulimu ya pila!

<sup>140</sup> Ni lakaza kuli kambe Ne ni ka taha kwanu mi—mi ni kuina fela kakusasana, ni kuina musihali kaufela, kuikambota ni mina mwa lika zee. Amuteeleze, kikuli mu nahana kuli Ha ni mi lati? Na mi lata, mizwale baka. Ni—Ni—Ni tabela kuya kwa kopano kaufela mi ni utwa- . . . ni—ni kulumelelana fela ni mañi ni mañi. Kono, mwa bona, haku konahali fela. Mane hakuna munyako o ni kwaluhezi.

<sup>141</sup> Na icocomeza mwa naha cwale, bakeñisa katengo, kakuli habana kulumeleza bulumiwa boo Mulimu. . . Neni ba ñolezi liñolo kaza ku bakutela, Na li, “Ka myaha ye lishumi ye Ni likile kutaha kwanu. Mi mina ni kolobezo ya mina ye lyangani!”

<sup>142</sup> Alimuñwi wa bona ulumela kuli, “Mu lukela ku kolobezwa halalu; hañwi ku Ndate, mi hañwi ku Mwana, ni Moya o Kenile; kutalima kwapili.” Yomuñwi ubulela kuli, “Batili, mu lukela ku kolobezwa linako zetalu kwa mulaho; hañwi ku Mwana, hañwi ku Ndate, ni Moya o Kenile.” Mi bubeli bwa bona ba fosa.

<sup>143</sup> Alimuñwi naize, “Yena, mu kolobelizwe mwa lifu la Hae, mi Na pezi kwapata nako ya Na shwa. Lu kolobelizwe ka lifu la Hae.” Yomuñwi ali, “Ki mañi ya kona kupumbeka mufu sifatehofafasi? Mu mumbeka, kukuta ngombemongo.” Bukuba bo buewalo, ku kauhanya batu, ku boniswa kuli ki lifufa. Li zwa ku Satani. Haiba ha ki za Mulimu.

<sup>144</sup> Mwahala liemba zepeli, Mulimu haayo neba kwa neku leliñwi, kono Usweli kubiza kwa maneku kaufela, “Amuzwe ku bona, mu kauhane,” kubulela Mulimu, “mi Ni ka mi amuhela Kuna.” Mulimu ami fuyole.



*PEU HAINA KUBA NI SANDA HAMOHO NI SIKAPI* LOZ65-0429B  
(The Seed Shall Not Be Heir With The Shuck)

Liñusa le ka Muzwale William Marrion Branham, neli kutilizwe lwa pili mwa Sikuwa la Bune kakusasana, Lungu 29, 1965, kuba Full Gospel Business Men's Fellowship International kwa mukushuko fa Biltmore Hotel mwa Los Angeles, California, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)